



**Նախագահ
Հենրի Բ. Այրիկ**
Առաջին Նախագահության
Առաջին Խորհրդական

Մորմոնի Գիրքը որպես Անճնական Ուղեցույց

Մեր ամենահոգևոր պահերին մենք բոլորս ցանկություն ենք զգում տուն վերադառնալու և Աստծո հետ ապրելու: Նա տվել է մեզ որպես մեր Փրկիչ Իր Սիրելի Որդու պարզևր, ուղի պատրաստելով և մեզ սովորեցնելով հետևել դրան: Ճանապարհը ցույց տալու համար Նա մեզ մարգարեներ է տվել: Ջոզեֆ Սմիթ Մարգարեն ոգեշնչվեց թարգմանելու մարգարեների արձանագրությունները՝ Մորմոնի Գիրքը: Այն մեր ստույգ ուղեցույցն է առ Աստված մեր տան ճանապարհին:

Ջոզեֆ Սմիթն այդ թանկագին գրքի վերաբերյալ ասել է. «Ես ասացի եղբայրներին, որ Մորմոնի Գիրքն ամենաճիշտն է երկրի վրա եղած բոլոր գրքերից և մեր կրոնի պորտաքարն է, և ապրելով ըստ դրա ցուցումների, մարդ ավելի շատ կմոտենա Աստծուն, քան ըստ որևէ այլ գրքի ցուցումների»:¹

Մորմոնի Գրքի ցուցումները Աստծո պատվիրաններն են: Որոշ ցուցումներ Իր մարգարեների միջոցով տրված Փրկչի ուղիղ պատվիրաններն են այն մասին, ինչ մենք պետք է անենք և ինչպիսին մենք պետք է դառնանք: Մորմոնի Գիրքը մեզ տալիս է Փրկչի օրինակը՝ մեր հավատքը մեծացնելու և Նրան հետևելու պատվիրանին հնազանդվելու համար: Գիրքը լի է

Քրիստոսի վարդապետությամբ՝ մեզ առաջնորդելու համար: Միայն մի օրինակ 2 Նեփիից.

«Հիսուսն] ասել է մարդկանց զավակներին. Հետևի՛ր ինձ: Ուստի, իմ սիրելի՛ եղբայրներ, կարո՞ղ ենք մենք հետևել Հիսուսին, եթե մենք հոժար չլինենք՝ պահելու Հոր պատվիրանները:

Եվ Հայրն ասել է. Ապաշխարեք, ապաշխարեք և մկրտվեք, իմ Սիրելի Որդու անունով» (2 Նեփի 31.10-11):

Գիրքը պարզ ասում է, որ մենք պետք է ստանանք Մուրբ Հոգին որպես կրակով մկրտություն՝, որը կօգնի մեզ մնալ նեղ և անձուկ արահետի վրա: Մեզ սովորեցրել են, որ մենք պետք է միշտ աղոթենք Քրիստոսի անունով, չթուլանալով, և այդ անելով մենք ունենք այս խոստումը. «Ուստի, դուք պետք է առաջ մղվեք Քրիստոսի հանդեպ հաստատամտությամբ, ունենալով հույսի կատարյալ պայծառություն, և սեր՝ Աստծո հանդեպ և բոլոր մարդկանց հանդեպ: Ուստի, եթե դուք առաջ մղվեք, սնվելով Քրիստոսի խոսքով, և համբերեք մինչև վերջ, ահա, այսպես է ասում Հայրը. Դուք կունենաք հավերժական կյանք» (2 Նեփի 31.20):

Բենիամին Թագավորի հրաշալի քարոզում Մորմոնի Գիրքը պարզ է դարձնում, թե ինչ է նշանակում սեր ունենալ Աստծո և բոլոր մարդկանց

հանդեպ: Երբ մեր էությունը փոխվի Քավության զորության և պատվիրաններին մեր հավատարիմ հնազանդության միջոցով, մենք լցված կլինենք Աստծո սիրով (տես Մոսիա 4.1–12):

Մորմոնի Գիրքը նաև տալիս է մեզ վատահություն, որ մենք կարող ենք դառնալ այնքան մաքրված այս կյանքում, որ այլևս ցանկություն չենք ունենա չարիք գործելու (տես Մոսիա 5.2): Այս հույսը մեզ համարձակություն և հանգստություն է տալիս՝ մինչ Սատանան փորձում է գայթակղել ու հուսահատել մեզ մեր ճանապարհին:

Ամեն անգամ Մորմոնի Գրքից նույնիսկ մի քանի տող ընթերցելիս ես զգում եմ, ինչպես է ամրանում իմ վկայությունը այն մասին, որ գիրքը ճշմարիտ է, որ Հիսուսը Քրիստոսն է, որ մենք կարող ենք հետևել Նրան դեպի տուն և որ մենք կարող ենք նրանց, ում սիրում ենք, մեզ հետ տուն տանել: Այն ինձ համար եղել է գրքերի գիրքը: Այն Աստծո խոսքն է:

Ես աղոթում եմ, որ մենք և նրանք, ում մենք սիրում ենք, խմեն դրանից առատորեն և ամեն օր: Ես վկայում եմ Հիսուս Քրիստոսի անունով, որ այն ճշմարիտ ուղեցույց է:

ՀՂՈՒՆԵՐ

1. *Teachings of Presidents of the Church: Joseph Smith (2007), 64.*

ՈՒՍՈՒՑԱՆՈՒՄ ԱՅՍ ՈՒՂԵՐՁԻՑ

«Երբ մենք օգտագործում ենք սուրբ գրությունները և վերջին օրերի մարգարեների խոսքերը որպես մեր բոլոր ուսուցումների աղբյուր, մենք հրավիրում ենք չոգուն վկայություն բերելու: Դա մեր ուսուցման ավելացումն է «Աստծո զորությունը՝ մարդկանց համոզելու համար» (Վևո 11.21)» (*Ուսուցում, Չկա Ավելի Մեծ Կոչում* [1999], 51): Նախատեսեք կարդալ Նախագահ Այրինգի ելույթի հիմնական գաղափարները, ներառյալ Ջոզեֆ Սմիթի խոսքերը Մորմոնի Գրքի վերաբերյալ: Հրավիրեք ընտանիքի անդամներին կիսվել նրանով, թե Մորմոնի Գրքում գտնվող ուսումնասիրող ասպրեղ ինչպես է օգնում նրանց մոտենալ Աստծուն:

«Երբ սովորողները սուրբ գրություններից սկզբունքներ են քննարկում, նրանք սուրբ գրությունների անձնական ուսումնասիրության համար անհրաժեշտ հմտություններ են

զարգացնում» (*Ուսուցում՝ Չկա Ավելի Մեծ Կոչում*, 54): Մտածեք, թե ինչպես կարող եք կարդալ այս ուղերձի սուրբ գրությունների հղումները, և փնտրել ու քննարկել դրանցում ուսուցանվող սկզբունքները:

ԵՐԻՏԱՍԱՐԴՆԵՐ

Իմ Անձնական Մորմոնի գիրքը Հիլարի Հուլբուք

2005-ի օգոստոսին, երբ Նախագահ Գորդոն Բ. Հինքլին (1910-2008)

Եկեղեցու անդամներին հանձնարարեց կարդալ Մորմոնի Գիրքը մինչև տարվա վերջ, ես խոստացա ինքս ինձ՝ կարդալ ամբողջ գիրքը: Ես ծանոթ էի Մորմոնի Գրքի պատմություններին, բայց երբեք այն սկզբից մինչև վերջ չէի կարդացել: Այժմ ես մտադրված էի պահել իմ խոստումը:

Ինձ սովորեցրել էին սուրբ գրությունները վերագրել իմ կյանքին և դարձնել դրանք իմ իսկ անձնականը: Ուստի, մինչ ես կարդում էի, էջի լուսանցքներում գրում էի, թե, իմ կարծիքով, որն էր հատվածի հիմնական գաղափարը: Ես նաև ընդգծում էի կրկնվող բառերն ու արտահայտությունները՝ դրանց կարևորությունը ցույց տալու համար:

Սուրբ գրություններում անունների կողքին ես գրում էի իմ անունը, ինչը կօգներ ինձ հիշել, որ ուրիշներին ասված Աստծո խոսքը կարող է նաև ինձ ուղված լինել: Օրինակ, 2 Նեփի 2.28-ում ես գրեցի իմ անունը. «Եվ այժմ, [Հիլարի], ես կկամենայի, որ դուք նայեք մեծ Միջնորդին և ականջ դնեք նրա մեծ պատվիրաններին»: Որքան ավելի էի ես Մորմոնի Գիրքը դարձնում իմ անձնականը, այնքան ավելի էր ոգևորվում այն ամեն օր կարդալու:

Մինչ ես ամեն օր կարդում էի, իմ աղոթքները դառնում էին անկեղծ ու անձնական: Ես նաև կարողացա կենտրոնանալ իմ դասերի վրա և հետևել ուրիշների հետ ընկերանալու չոգու հուշումներին: Տարվա վերջին գիշերը ես ավարտեցի Մորմոնի Գիրքը:

Հետո ես հասկացա Մորմոնի Գիրքը, ինչպես նաև մյուս սուրբ գրությունները, ամբողջությամբ կարդալու կարևորությունը, և ուզում եմ այդ անել բազում անգամներ իմ կյանքում:

Ուղեցույց, որը կօգնի մեզ տուն վերադառնալ

Ինչպե՞ս դուք ձեզ կզգայիք, եթե մոլորվեիք և չիմանայիք տուն՝ ձեր ընտանիք վերադառնալու ճանապարհը: Դուք ուրախ կլինեի՞ք, եթե կարողանայիք հետևել ինչ-որ մեկին, ով կարող էր ձեզ ցույց տալ ճանապարհը: Նախագահ Այրինգն ասում է, որ Մորմոնի Գիրքը նման է ուղեցույցի, որն օգնում է մեզ վերադառնալ տուն՝ Երկնային Հոր մոտ: Ստորև որոշ բաներ են, որ Մորմոնի Գիրքը

մեզ ասում է, որ մենք պետք է անենք՝ տուն վերադառնալու համար: Կարդացեք 2 Նեփի 31.10,11,20: Ստորև գտնվող յուրաքանչյուր արտահայտության տակ գրեք Մորմոնի Գրքի ճիշտ հատվածը: Հատվածներից մեկը դուք պետք է օգտագործեք երկու անգամ:

Ապաշխարեք և մկրտվեք:

Ունեցեք պայծառ հույս:

Սիրեք Աստծուն և բոլոր մարդկանց:

Հետևեք Քրիստոսին:



Հավատք • Ընտանիք • Սփոփանք

Աճող սերնդի համար հոգ տանելու մեր պարտականությունը

Ուսումնասիրե՛ք այս նյութը և, ինչպես հարմար է, քննարկե՛ք այն քույրերի հետ, ում այցելում եք: Օգտագործե՛ք հարցերը, որոնք կօգնեն ձեզ ասրացնել ձեր քույրերին և դարձնել Միությունը ձեր իսկ կյանքի ակտիվ մասը:

Սուրբ գրություններից. Առակաց ԻԲ.6, Եփեսացիս Զ.4, Եսոփս 1.1, Ավճա 53.20-21, 56.47, 57.27

Առանց հոգատարության մեր աճող սերունդը կարող է Մոսիա 26-ում նկարագրվող սերնդի նման դառնալու վտանգի առաջ հայտնվել: Շատ երիտասարդներ չէին հավատում իրենց հայրերի ավանդություններին և դարձան առանձին մի ժողովուրդ՝ ինչ վերաբերվում է նրանց հավատքին, ընդմիջտ այդպիսին էլ մնալով: Մեր աճող սերունդը նմանապես կարող է շեղվել ճանապարհից, եթե նրանք չհասկանան իրենց դերը Երկնային Հոր ծրագրում:

Այսպիսով, ի՞նչը կարող է աճող սերնդին ապահով պահել: Եկեղեցում մենք սովորեցնում ենք փրկող սկզբունքներ, և այդ սկզբունքները ընտանեկան սկզբունքներ են, սկզբունքներ, որոնք կօգնեն աճող սերնդին ընտանիք կազմել, սովորեցնել այդ ընտանիքին, և նախապատրաստել այդ ընտանիքին արարողությունների և ուխտերի համար, և այնուհետև հաջորդ սերունդը կսովորեցնի հաջորդին, և այդպես շարունակ:

Որպես ծնողներ, ղեկավարներ և Եկեղեցու անդամներ մենք պատրաստում ենք այս սերնդին

Աբրահամի օրհնությունների համար, տաճարի համար: Մենք պարտավորություն ունենք շատ հստակ լինել ընտանիքի մասին հայտարարության մեջ գտնվող կարևոր վարդապետությունների կարևոր դրույթների վերաբերյալ: Մայրությունը և հայրությունը հավերժական դերեր ու պարտականություններ են: Մեզանից յուրաքանչյուրը պատասխանատու է ծրագրի արական կամ իգական կեսի համար:

Մենք կարող ենք սովորեցնել այս վարդապետությունը ցանկացած միջավայրում: Մենք պետք է հարգանքով խոսենք ամուսնության և ընտանիքի մասին: Եվ մեր օրինակից աճող սերունդը կարող է մեծ հույս ու հասկացողություն ստանալ, ոչ միայն բառերից, որ մենք ասում ենք, այլ ընտանիքի հոգին զգալու և տարածելու ուղիներից:

Ջուլի Բ. Բեք, Սփոփող Միության գերագույն նախագահ

Մեր պատմությունից

1995թ. սեպտեմբերի 23-ին Սփոփող Միության ընդհանուր հավաքին Նախագահ Գորդոն Բ. Հինքլին, քույրերին դիմելով, ասել է. «Աշխարհը, որում մենք ապրում են, անկարգության,

փոփոխվող արժեքների աշխարհ է: Տիան ձայները տարբեր բաներ են աղաղակում ժամանակի ընթացքում փորձված վարքագծի չափանիշներին հակառակ»¹ Այնուհետև Նախագահ Հինքլին շարունակեց՝ քույրերին, Եկեղեցուն և, ի վերջո, ողջ մարդկությանը ներկայացնելով «Ընտանիք՝ հայտարարություն աշխարհին» փաստաթուղթը:

Հետագա տարիների ընթացքում այս մարգարեական փաստաթուղթը թարգմանվեց մի շարք լեզուներով և տարածվեց աշխարհի ղեկավարներին: Այն խնդրում է քաղաքացիներին և կառավարության պաշտոնյաներին «միջոցառումներ անցկացնել ուղղված ընտանիքների, որպես հասարակության հիմնական միավորների, պահպանմանն ու ամրապնդմանը»:²

Հայտարարությունը Վերջին Օրերի Սրբերի համար դարձել է ընտանիքի վերաբերյալ հիմնարար սկզբունք, հայտարարություն, որից մենք կարող ենք ամուր բռնել և իմանալ, որ դրա ցուցումներով ապրելով մենք ամրացնում ենք մեր ընտանիքներն ու տները:

ԶՆՈՍՆԵՐ

1. Gordon B. Hinckley, "Stand Strong Against the Wiles of the World," *Ensign*, Nov. 1995, 99.
2. Տես «Ընտանիք՝ Հայտարարություն աշխարհին», *Լիստիսու*, հոկտ. 2004, 49:

Ի՞նչ կարող եմ ես անել:

1. Ինչպե՞ս կարող եմ ես օգնել իմ քույրերին օգտագործել «Ընտանիք՝ Հայտարարություն աշխարհին»-ը աճող սերնդի համար հոգ տանելիս: Դուք կարող եք կիսվել հայտարարության օրինակներով և օգնել ձեր քույրերին գտնել և նշել այն հատվածները, որոնք լավագույնս կսովորեցնեն հիմնական վարդապետությունները:

2. Ինչպե՞ս կարող եմ հոգ տանել աճող սերնդի համար: Դուք կարող եք ձեռք մեկնել ձեր ծխի, ճյուղի, ընտանիքի կամ հասարակության անդամներին, ում օգտակար կլինեն ձեր ուշադրությունն ու սերը:

Լրացուցիչ տեղեկության համար, այցելեք www.reliefsociety.lds.org: